

Yatkhîshzâl:

2kg qamadi fica (atta)
 1 / 3 kubbâya kusâr firi, xihinbe fico
 2 gidîr mânka habasûda
 ½ kubbâya zissiqasaqa ishîsh
 2 kubbaya sukkar
 1L miy
 1 gidîr mânka xirassu
 1½ shâhi mânka hurdinci



Yâshbôzâlkut:

- [1] Qamadi fica, kusâr firi, habasûda wa ishîsh, miksarbe (mixer) hisho (use dough hooks).
- [2] Sukkar, miy, xirassu wâ hurdinci bûr sahna be massa lâqxo.
- [3] Miy wâ sukkaru qamadi fica bah dibalôma assir daqîqale miksarbe yathash.
- [4] Zitrêhasa qôshâw, hammisti aminta siddisti attây ûshôma, zissâadâw ijibe hîshôma kubba ûshô.
- [5] Isahadle mullawah kuta zag ûshô, qillazo ~1/2cm yukhun qêssi. Zag zâshkho qôshâw afûtû laaybe ûrdôma axâbiggnakhôbe dêdqo ila asxa yukhunba qêssi.
- [6] Mixâd aminta razîn xâwa wiy isât laay be amôqo. Wiy zikhâna saa, mabsal êglo. Barad miy ijibe chah kilâshkhubo, buf bâya gir razîn mashakh/cilfa (spatula) be kimtahay kilgôfkho, galbax galbax ûsho ilâ yibasli qêssi (sûrâw hêjô zibasala min yimaslâlle).
- [7] Zibaslasa isât be haf ûsho, ijibe miy chah ûshubo. Nazîf fôxa, waraqa aminta carqi (paper or tea towel) be xâllo. Alây mabsal zalégalkhube, mîxâdu mâsho wâ miy chêhubo.

YÎW TÛQINAKHU? (QUIZ) - GEY GAR

- | | |
|---|--|
| 1. Gêy gârbe misti nadabahal? | 4. Gêy gârbe laaydelezâl xâqêtu min yilohol? |
| 2. Gêy gârbezâlu nadabâch sumâchziyu qêqlu. | 5. Gidîr nadababe mân yitgêbalâl? |
| 3. Yî shîishti môtâch sumâchziyu qêqlu. | |

A

B

C



SÂY WAR

Ô R Ô R Y A T Q A R A ' B A

Assalâmu Alaykum zitgadarkhu sây afôcha agbûrachzigna!
 Yî tiqarôzâkhu lûkh "Sây War" isshiishti wahribe yitsirâczâl gâzêxânta.
 Afôchazo mihra asshâwri dilâgazow nattîwqibâzâna, afôcha hafla wa
 yagadrazâl kushkushti qaxab nattishbâzâna, abaluyâchzina tastiziyu
 nissâadbâzâna wâ azzokutzôm xît xít "trivia" yinabribâzalinta.
 Ayyi ra'yi aminta "contribution" zâlâm hayye yattêwqana.
 Maqra'khôlêm Alla Magan kilâna, tasti wâ fâyda tagagnbôzakhu yakhni.

LIHÂDÔT

Afocha Minbâytîntâ? [2]

Bishâra [2]

Kursi Malaq Lûkhze [3]

Ahdi maqêrah [3]

Sirri Yâshbôzâlkut [4]

Yîw Tûqînakhu? [4]

XABIQ AYAMACH

Saturday March 2nd
 Say Afocha Nabi Mawlid

Sunday May 5th [TBC]
 Soman Megalzo

Saturday June 1st
 Say Afocha Khatimat

Wednesday June 5th [TBC]
 Eid-Ul-Fitr

Saturday June 15th
 Say Afocha Shawal Id

Sunday June 30th
 Say Afocha Ala Halu Diblan

